

Qhov Kev Kawm Cov Hom Phiaj (Course Goals):

Zoo Siab Txais Tos Koj los Ua Ib Tus Neeg Yus Muab Tswv Yim Pab Yus Tus Kheej (Self-Advocate)! Nyob hauv qhov kev kawm no koj yuav kawm kom paub txog:

- ❖ Cov lus siv rau tus mob xiam oob qhab
- ❖ Tshawb nrhiav kom paub txog koj tus mob thiab cov kev pab uas koj xav tau
- ❖ Tshawb nrhiav kom paub cov hauj lwm koj nyiam ua hauv lub neej
- ❖ Kawm kom paub cov cai lij choj thiab koj cov cai
- ❖ Tsim kom tau cov hom phiaj
- ❖ Npaj rau txoj kev kawm ntawv thiab ua hauj lwm

Thaum koj ua tiav lawm, koj yuav paub zoo dua qub seb yuav ua li cas thiaj kawm tau ntawv thiab ua tau hauj lwm zoo!

Nco Cia!

Qhov kev kawm no yog tsim los pub rau koj nyeem ntawv raws li koj rab peev xwm ua tau nrawm los tau qeeb. Koj yeej rov qab mus saib tau koj cov ntawv yog hais tias koj xav rov qab mus saib seb yog li cas lawm.

Tshooj (Chapter) 2: Tus Mob Xiam Oob Qhab thiab Cov Kev Pab

Zoo siab txais tos koj rov qab tuaj! Kuv yog Ms. Jordan, koj tus kws qhia ntawv thiab tus pab coj koj rau qhov kev kawm no! Cia peb mus saib kom thoob tshooj no ua ke.

Lub Ntsiab Lus:

Yuav kom ua tau ib tus yus muab tswv yim pab yus tus kheej zoo (good self-advocate), koj yuav tsum paub zoo txog koj tus mob seb yog dab tsi thiab muaj rab peev xwm qhia rau lwm tus seb cov kev pab twg los yog cov kev hloov twg yog cov yuav tau muab rau koj xwv kom pab tau koj ua tau zoo nyob ntawm tsev kawm ntawv thiab ntawm txoj hauj lwm.

Kev Kawm Cov Hom Phiaj:

- ❖ Paub txog koj tus mob thiab nws cuam tshuam li cas rau koj lub neej.
- ❖ Nrhiav kom tau cov kev pab (kev txhawb) thiab nrhiav kom tau cov neeg uas yuav muab tau cov kev pab (kev txhawb) rau koj.
- ❖ Siv qhov yus muab tswv yim pab yus tus kheej (self-advocacy) los mus pab koj paub txog koj tus mob xiam oob qhab.

Cov lus siv twg (terms) uas koj yuav tau paub kom koj ua tau ib tus tus muab tswv yim pab yus tus kheej zoo (good self-advocate)?

Cov Lus Siv Ntsig Txog Tus Mob Xiam Oob Qhab

Kev Pab: *cov kev pab (accommodations)* yog ib qho kev pauv los yog cov kev pab txhawb muab los ntxiv uas ua rau cov hauj lwm ntawm tsev kawm ntawv los yog ntawm txoj hauj lwm yooj yim dua qub thiab zoo dua qub rau cov neeg muaj mob xiam oob qhab. Cov piv txwv muaj xws li: spellcheckers, recorders thiab muab sij hawm ntau dua qub kom ua tiav txoj hauj lwm.

Assistive Technology: cov cuab yeej siv *assistive technology* pab rau cov neeg kawm ntawv thiab cov neeg ua hauj lwm ua tau lawv cov dej num nrawm dua thiab zoo dua.

Ntaub Ntawv: *ntaub ntawv* yog ... Cov ntaub ntawv raws cai thiab ntawv kho mob uas koj muab los qhia pom tias kom muaj ib tus mob xiam oob qhab, tsev kawm ntawv cov ntawv sau tawm (school reports) los yog cov ntawv uas piav txog cov kev pab uas koj xav tau.

Koj yuav tsum muaj ntaub ntawv mas koj thiaj tau txais cov kev pab (xws li cov kev pauv, cov pab txhawb thiab cov cuab yeej siv) uas koj xav tau los ua kom tau hauj lwm zoo hauv tsev kawm ntawv thiab ntawm txoj hauj lwm. Nco ntsoov kom koj muaj daim luam thiab muab ib daim rau lwm tus thaum yuav tau muab.

Hom ntaub ntawv kheev muaj yog: ntawv sau tawm txog tswv yim kev xav, ntawv ntsuam xyuas txog tsev kawm ntawv, ntawv txhaj tshuaj thiab daim phiaj Individualized Education Plan (IEP).

IEP: IEP yog txhais hais tias *Individualized Education Plan*. Daim phiaj IEP yog ib daim duab coj kev rau cov kev pab txhawb txoj kev kawm thiab cov kev pab. Yuav tsum tau sau ib daim IEP rau txhua tus me nyuam kawm ntawv. Txhua daim IEP yuav sib txawv. Yog koj muaj ib daim IEP, nws yuav tsum yog sau raws li koj tus kheej cov kev xav tau thiab cov hom phiaj raws li yog ib tus me nyuam kawm ntawv.

Tus Neeg Khiav Hauj Lwm Rau Daim IEP: tus *Neeg Khiav Hauj Lwm Rau Daim IEP Coordinator* yog ib tus nyob tom koj lub tsev kawm ntawv uas; khaws txhua tus me nyuam daim IEP, npaj cov rooj sib tham nrog tsev neeg thiab cov neeg ua hauj lwm thiab muab kev pab txhawb thiab muab tswv yim pab cov me nyuam kawm ntawv uas muaj mob xiam oob qhab.

Kev Ntsuam Xyuas Txog Kev Kawm Ntawv yog ib qho kev txheeb xyuas (assessment), feem ntau yog ib tus kws qhia ntawv ua tus sau. Nws saib rau ntawm tus me nyuam kawm ntawv cov kev txawj, muab piv rau lwm tus me nyuam kawm ntawv uas muaj tib lub hnuv nyoog thiab saib qhov kev nyeem ntawv, sau ntawv, leb (math) thiab kev tham lus.

Daim Ntawv Qhia Paub Txog Tswv Yim Kev Xav yog ib daim ntawv qhia txog kev xav tswv yim, hlwb khiav, kev zoo siab los nyuaj siab, tus cwj pwm kev noj qab nyob zoo, uas yog ua tiav los ntawm tsev kawm ntawv ib tus kws paub txog kev mob hlwb nyuaj siab.

Cov no yog cov ntaub ntawv tseem ceeb!

DSM-V: yog ib tus cuab yeej uas cov kws paub txog kev mob hlwb nyuaj siab siv los mus nrhiav kom paub seb ib tus neeg muaj tus mob xiam oob qhab dab tsi.

DSM-V (DSM-5) – yog txhais hais tias Diagnostic and Statistical Manual of Mental Disorders, Phau Kho Thib Tsib (Fifth Edition). Nws yog phau ntawv uas muab tshaj tawm los ntawm American Psychiatric Association, uas yog muab siv los cais cov kev mob kom nyias muaj nyias thiab nrhiav kom paub tus mob hlwb, kev zoo siab los nyuaj siab, thiab lub cev.

Raws li kheev ua los, yuav muab ib tus neeg tus mob xiam oob qhab cais nyias muaj nyias raws li cov lus qhia nyob hauv DSM-V.

Kev Xav Phem (Stigma): *stigma* yog ib qho xav phem uas ib txhia neeg muaj rau lwm tus vim pom lwm tus neeg tus yeeb yam. Ib qhov piv txwv ntawm tus yeeb yam no kuj yog li ib tus mob xiam oob qhab. Tu siab, uas ib txhia neeg tau ntsib qhov lwm tus xav phem rau lawv vim lawv tus mob xiam oob qhab. Kev xav phem kheev yog los ntawm qhov tsis paub zoo los yog xyav lus tsis zoo txog lwm tus. Vim li no nws yog ib qho tseem ceeb uas yuav tau muaj cuab kav piav *kom meej* txog ib tus mob xiam oob qhab rau lwm tus.

Kev Txheeb Xyuas thiab Kev Sim Twv Tus Kheej (Self-Test) Txog Cov Kev Pab:

Muab cov lus siv (terms) nyob sab xis los tso kom haum rau cov lus txhais (definition) nyob sab laug.

1. Ib qho cuab yeej uas cov kws paub txog kev mob hlwb nyuaj siab siv los mus nrhiav kom paub seb ib tus neeg muaj tus mob xiam oob qhab dab tsi. A. IEP
2. Cov cuab yeej pab cov me nyuam kawm ntawv thiab cov neeg ua hauj lwm kom ua tau lawv cov dej num nrawm dua thiab zoo dua. B. DSM-V
3. Ib tus me nyuam kawm ntawv daim duab coj kev rau cov kev txhawb thiab cov kev pab rau txoj kev kawm ntawv. C. Kev Pab (Accommodation)
4. Kev pauv los yog cov kev txhawb muab ntxiv uas ua rau tsev kawm ntawv los yog txoj hauj lwm cov dej num yooj yim dua qub thiab zoo dua. D. Assistive Technology

Mus nrhiav tau cov lus teb hais txog qhov sim twv tus kheej no nyob phab 9.

Zoo kawg! Tsam no uas koj tau paub ib cov lus tshiab lawm, kuv xav kom koj ntsib kuv tus phooj ywg Mr. Drake. Nws yuav coj koj kom mus thoob ib cov kev thiab muab cov chaw uas muaj kev pab los tso ua ke.

Muab Cov Chaw Muaj Kev Pab Rau Tus Mob Xiam Oob Qhab Los Tso Ua Ke

Nyob zoo. Kuv yog Mr. Drake. Yuav kom thov tau cov kev pab, koj yuav tsum paub kom ntau dua qub txog koj tus mob xiam oob qhab.

Ib qhov chaw uas yuav paub ntau ntxiv yog nyob ntawm internet. Koj yuav ntseeg tsis tau tas nrho cov ntaub ntawv uas muaj nyob ntawm internet. Ib txoj kev ua kom paub seb lub website puas muaj cov ntaub ntawv zoo txaus yog qhov siv ib lub Website Reliability Test.

Nias qhov txuas mus saib daim PDF. [Website Reliability Test](#) los yog mus saib daim [PDF](#) nyob ntawm phab ntawv kawg ntawm daim ntawv no.

Siv qhov cuab yeej no los mus saib seb lub website puas muaj ntaub ntawv zoo txaus hais txog tus mob xiam oob qhab. Yog koj xav tau kev pab kom siv tau qhov Website Reliability Test, thov nug tus neeg uas muab kev txhawb rau koj kom nws pab.

Ceev cia cov npe uas hu tau rau lawv uas muaj xws li:

Kom tau tas nrho Lub npe, qhov yuav hu tau rau (xws li chaw nyob / xov tooj) thiab tej ntaub ntawv uas lawv muab rau koj tus DVR Case Manager, Therapist / Health Care Provider, Social Worker thiab tus IEP Case Manager / Teacher.

Luam kom tau ib daim ntawm daim foos nyob phab 11 thiab teb cov npov (boxes) kom tas.

Nws kuj tseem yog ib qho zoo uas yuav tau nrhiav neeg pab koj. Lawv yuav pab nrhiav tau tej ntawb ntawv hais txog tus mob xiam oob qhab thiab lwm yam.

Kev muaj cov ntaub ntawv zoo hais txog tus mob xiam oob qhab yog ib qho tseem ceeb heev txhawm rau qhov kom tau txais cov kev pab uas haum rau koj. Nws kuj tseem yog ib qhov tseem ceeb uas muaj cov ntaub ntawv nyob rau ib qhov chaw koj mus nrhiav tau yooj yim.

**Luam kom tau ib daim ntawm daim ntawv txheeb cov ntaub ntawv (checklist)
nyob phab 12 thiab teb cov npov (boxes) kom tas.**

Yog koj xav tau kev pab kom siv tau daim ntawv txheeb cov ntaub ntawv (checklist), thov nug tus neeg uas muab kev txhawb rau koj kom nws pab.

Cov Ntsiab Lus hais txog Tus Mob Xiam Oob Qhab:

Sau ib cov ntsiab lus hais txog koj tus mob xiam oob qhab. Nyob hauv daim ntawv no, yuav tau piav kom zoo seb yog tus mob dab tsi, teev cov yeeb yam ntawm tus mob, piav txog kev kho tus mob, teeb meem muaj cuam tshuam rau txoj kev kawm thiab hais kom mee txog lwm yam dej num hauv lub neej thiab muab tswv yim hais txog cov kev pab uas xav tau. Nrhiav kom muaj ib tus neeg pab nyeem koj daim ntawv uas sau cov ntsiab lus, xyuas kom sau raug tus ntawv thiab sau tsis yuam kev.

Ua tau zoo heev! Koj twb ua yuav luag tiav Tshooj (Chapter) 2 hais txog qhov Ua Ib Tus Neeg Yus Muab Tswv Yim Pab Yus Tus Kheej (Self-Advocate). Ob daim slides tom ntej no yuav pab koj xyuas cov lus tau los ntawm tshooj no ua ntej koj mus ntxiv rau qhov tom ntej. Thiab tseeb tiag koj yuav rov qab mus saib tau tshooj no txhua lub sij hawm yog koj xav rov mus xyuas ib qho dab tsi ntxiv.

Nco ntsoov ceev qhov koj ua tau zoo mus ntxiv!

Kev Txheeb Xyuas thiab Xyuas Txog Cov Lus Siv Rau Tus Mob Xiam Oob Qhab:

Muab cov lus siv (terms) nyob sab xis los tso kom haum rau cov
lus txhais (definition) nyob sab laug.

1. Phau ntawv siv cais thiab nrhiav paub tus mob xiam oob qhab. A. IEP
2. Yam cuab yeej siv uas pab rau ib tus neeg kom ua tau zoo dua qub thiab muaj yeej. B. Kev Pab (Accommodation)
3. Ib daim ntawv uas coj qhia cov kev txhawb thiab kev pab rau ib tus me nyuam kawm ntawv muaj mob xiam oob qhab. C. Assistive Technology
4. Cov techniques uas pub rau cov neeg muaj mob xiam oob qhab kom ua tiav cov dej num kom zoo dua qub. D. DSV-M

Mus nrhiav tau cov lus teb rau cov lus siv (terms) nyob phab 9 & 10.

Ua tau zoo heev! Cov lus siv no tseem ceeb rau tus neeg yus muab tswv yim pab yus tus kheej (self-advocate) tsis hais leej twg kom to taub, tshwj xeeb yog thaum tham txog koj tus mob xiam oob qhab nrog lwm tus.

Cov *ntaub ntawv* nram qab no daim twg yog daim koj twb muaj lawm?

1. Kev Ntsuam Xyuas Txog Tswv Yim Kev Xav (Psychological Evaluation)
2. Individualized Education Plan (IEP)
3. Individualized Plan of Employment (IPE)
4. DVR Kev Txheeb Xyuas (Assessment)
5. Summary of Performance (SOP)
6. Kev Ntsuam Xyuas Txog Kev Kawm Ntawv (Educational Evaluation)

Ua Ib Tus Neeg Yus Muab Tswv Yim Pab Yus Tus Kheej (Becoming a Self-Advocate)
Tshooj (Chapter) 2 – Tus Mob Xiam Oob Qhab thiab Cov Kev Pab

Thov Qhuas Koj:

Tsam no koj tau ua tiav Tshooj (Chapter) 2 ntawm qhov ua ib Tus Neeg Yus Muab Tswv Yim Pab Yus Tus Kheej (Self-Advocate). Nco ntsoov mus ua kom tiav daim ntawv soj ntsuam (survey) rau Tshooj 2 nyob rau ntawm phab ntawv soj ntsuam.

Nias rau ntawm qhov txuas hauv qab no thaum koj npaj tau txhij los mus ua kom tiav daim ntawv soj ntsuam rau tshooj 2:

<https://svrirtc.instructure.com/courses/250296/assignments/2528088>

Nias rau ntawm qhov txuas hauv qab no kom rov qab mus rau ntawm phab home page:

<https://svrirtc.instructure.com/courses/250296>

Lus Teb

Kev Txheeb Xyuas thiab Kev Sim Twv Tus Kheej (Self-Test) Txog Cov Kev Pab

Muab cov lus siv (terms) nyob sab xis los tso kom haum rau cov lus txhais (definition) nyob sab laug.

1. Ib tus cuab yeej uas cov kws paub txog kev mob hlwb nyuaj siab siv los mus nrhiav kom paub seb ib tus neeg muaj tus mob xiam oob qhab dab tsi.

Lo lus teb raug rau qhov no yog **DSM-V**.

2. Cov cuab yeej pab cov me nyuam kawm ntawv thiab cov neeg ua hauj lwm kom ua tau lawv cov dej num nrawm dua thiab zoo dua.

Lo lus teb raug rau qhov no yog **Assistive Technology**.

3. Ib tus me nyuam kawm ntawv daim duab coj kev rau cov kev txhawb thiab cov kev pab rau txoj kev kawm ntawv.

Lo lus teb raug rau qhov no yog **IEP (Individualized Education Plan)**.

4. Kev pauv los yog cov kev txhawb muab ntxiv uas ua rau tsev kawm ntawv los yog txoj hauj lwm cov dej num yooj yim dua qub thiab zoo dua.

Lo lus teb raug rau qhov no yog **Kev Pab (Accommodation)**.

Ua tau zoo tshaj plaws!

Kev Txheeb Xyuas thiab Xyuas Txog Cov Lus Siv Rau Tus Mob Xiam Oob Qhab

1. Phau ntawv siv cais thiab nrhiav paub tus mob xiam oob qhab.

Lo lus teb raug rau qhov no yog **DSV-M**.

2. Yam cuab yeej siv uas pab rau ib tus neeg kom ua tau zoo dua qub thiab muaj yeej.

Lo lus teb raug rau qhov no yog **Assistive Technology**.

3. Ib daim ntawv uas coj qhia cov kev txawb thiab kev pab rau ib tus me nyuam kawm ntawv muaj mob xiam oob qhab.

Lo lus teb raug rau qhov no yog **IEP** (*Individualized Education Plan*).

4. Cov techniques uas pub rau cov neeg muaj mob xiam oob qhab kom ua tiav cov dej num kom zoo dua qub.

Lo lus teb raug rau qhov no yog **Cov Kev Pab (Accommodations)**.

Luam kom tau ib daim thiab teb daim foos hauv qab no kom tiav:

Koj tus?	Lub Npe Sau Tas Nrho	Kev Hu Tau – Qhov Chaw Nyob/Xov Tooj	Cov Ntaub Ntawv Muab
DVR Case Manager			DVR Kev Txheeb Xyuas, Individual Plan for Employment (IPE)
Therapist/Health Care Provider			Ntawv Ntsuam Xyuas Txog Tswv Yim Kev Xav, Ntaub Ntawv Kho Mob
Social Worker			Ntawv Sau Npe Nkag / Ntawv Ntsuam Xyuas
IEP Case Manager/ Teacher			Individual Education Plan (IEP), Summary of Performance (SOP), Kev Ntsuam Xyuas Txog Tswv Yim Kev Xav


Daim Ntawv Txheeb Cov Ntaub Ntawv

Lub hom phiaj: Kev muaj cov ntaub ntawv zoo hais txog tus mob xiam oob qhab yog ib qho tseem ceeb heev txhawm rau qhov kom tau txais cov kev pab uas haum rau koj. Nws kuj tseem yog ib qhov tseem ceeb uas muaj cov ntaub ntawv nyob rau ib qhov chaw koj mus nrhiav tau yooj yim.

Cov lus qhia: Kev siv daim ntawv txheeb cov ntaub ntawv (checklist), nco ntsoov xyuas kom koj muaj tas nrho cov ntaub ntawv ntsig txog tus mob xiam oob qhab.

Ntaub Ntawv	Muaj	Tsis Siv Rau Qhov No	Yuav Tau Nrhiav	Los Ntawm Leej Twg?
Ib daim luam ntawm daim ntawv ntsuam xyuas txog tswv yim kev xav tam sim no				
Ib daim luam ntawm daim Individualized Education Program (IEP) tam sim no				
Ib daim luam ntawm daim ntawv ntsuam xyuas txog kev kawm ntawv				
Summary of Performance (SOP)				
Ib daim luam ntawm DVR Kev Txheeb Xyuas				
Ib daim luam ntawm daim phiaj Individual Plan for Employment (IPE) tam sim no				
Ib daim luam ntawm daim ntawv kuaj xyuas lub cev kev muaj mob				
Ib daim luam ntawv cov ntawv txhaj tshuaj tam sim no				
Ib daim luam ntawm daim ntawv pov thawj kawm tas high school				
Ib daim luam ntawm daim ntawv pov thawj kawm qib siab (postsecondary school)				

**Sim Seb Lub Website Puas Yog
 Lub Ntseeg Siab Tau**



Daim Ntawv Txheeb Cov Ntaub Ntawv

Lub hom phiaj: Kev muaj cov ntaub ntawv zoo hais txog tus mob xiam oob qhab yog ib qho tseem ceeb heev txhawm rau qhov kom tau txais cov kev pab uas haum rau koj. Nws kuj tseem yog ib qhov tseem ceeb uas muaj cov ntaub ntawv nyob rau ib qhov chaw koj mus nrhiav tau yooj yim.

Cov lus qhia: Kev siv daim ntawv txheeb cov ntaub ntawv (checklist), nco ntsoov xyuas kom koj muaj tas nrho cov ntaub ntawv ntsig txog tus mob xiam oob qhab.

Ntaub Ntawv	Muaj	Tsis Siv Rau Qhov No	Yuav Tau Nrhiav	Los Ntawm Leej Twg?
Ib daim luam ntawm daim ntawv ntsuam xyuas txog tswv yim kev xav tam sim no (psychological evaluation)				
Ib daim luam ntawm daim Individualized Education Program (IEP) tam sim no				
Ib daim luam ntawm daim ntawv ntsuam xyuas txog kev kawm ntawv				
Ntsiab Lus txog Kev Ua Tau Zoo (Summary of Performance (SOP))				
Ib daim luam ntawm DVR Kev Txheeb Xyuas				
Ib daim luam ntawm daim phiaj Individual Plan for Employment (IPE) tam sim no				
Ib daim luam ntawm daim ntawv kuaj xyuas lub cev kev muaj mob				
Ib daim luam ntawv cov ntawv txhaj tshuaj tam sim no				
Ib daim luam ntawm				

Ua Ib Tus Neeg Yus Muab Tswv Yim Pab Yus Tus Kheej (Becoming a Self-Advocate)
Tshooj (Chapter) 2 – Tus Mob Xiam Oob Qhab thiab Cov Kev Pab

daim ntawv pov thawj kawm tas high school				
Ib daim luam ntawm daim ntawv pov thawj kawm qib siab (postsecondary school)				

Cov Ntsiab Lus hais txog Tus Mob Xiam Oob Qhab

Tus Mob Xiam Oob Qhab

Kuaj pom tau tias kuv muaj ib tus mob xiam oob qhab kawm tsis tau ntawv, uas ua rau kuv tsis to taub zoo txog qhov kuv nyeem. Kuv tus mob tseem muaj teeb meem rau kuv rab peev xwm sau tau ntawv kom lwm tus to taub kuv (kuv muaj teeb meem txog sau tus ntawv kom raug thiab xaiv lo lus hais kom yog).

Cov Kev Pab Xav Tau

Cov kev pab uas kuv xav tau muaj raws li nram qab no:

1. Ncuaj sij hawm ntxiv rau kuv-Nws yuav siv sij hawm rau kuv ob npaug ntau tshaj kuv cov phooj ywg los mus nyeem thiab to taub ib daim ntawv uas muab rau kuv.
2. Nyeem/Kaw daim ntawv cia-Vim nws yuav siv sij hawm ntau rau kuv los lus mus cim thiab to taub lo lus sau, kuv yuav muaj teeb meem nkag siab. Tab sis thaum kuv muaj cuab kav mloog tau lawm kuv yuav to taub zoo dua tias yog nws hais txog dab tsi.
3. Siv computer rau cov hauj lwm kom sau ntawv-Kuv muaj teeb meem txog qhov sau tus ntawv kom raug lo lus (spelling) thiab kev xaiv lo lus (word choice), yog vim li no cov computer programs xws li Word yog ib yam cuab yeej tseem ceeb rau kuv sau tau ntawv raws li qhov lwm tus yuav to taub.

Ntaub Ntawv

Cov ntaub ntawv hais txog kuv tus mob xiam oob qhab muaj xws li daim ntawv ntsuam xyuas txog kuv lub tswv yim kev xav thiab kev kawm ntawv uas muab ua tiav thaum kawm xyoo ob hauv high school, thiab ib daim ntawv ntsuam xyuas kev mob nkeeg uas tau los ntawm ib tus kws kho mob muaj ntawv pov thawj tias kuv tus mob xiam oob qhab yog dab tsi kiag. Kuv tseem muaj ib daim luam ntawm kuv daim phiaj kawm ntawv Individuated Education Plan nyuam qhuav ua sai los no uas muaj cov kev pab kuv tau txais thaum kawm nyob high school.